

Powšitkowne WOZJEWJENJA

njedźelu, 20. decembra 2015

Přiležnosć k swjatej spowědži w Róžeńće

wutoru, 22. decembra farar M. Anders, farar M. Nawka,
18.30 – 19.30 hodź. tach. farar W. Sćapan, farar D. Dzikiewicz

TCM – „Łužica pomha“ prosy wo dary za Rumunsku a za čekancow

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ nuzu čerpjace a chude džěci w zetkawanskim domje „Kerekudvar“ w rumunskim měsće Kereszturu podpěrać. K tomu je Katolski Posoł přenju adwentnu njedźelu, 29. nowembra, wobšěrny přinošk wozjewił.

TCM prosy wěriwych wo šćedriwe dary na konto Cyrill-Methodius-Verein e.V. IBAN: DE 65 750 90 300 000 828 23 66 pod hesłom „Rumunska“. Štóz přeje sej darowanisku kwitowanku, njech poda na přepokazance swoju dospołnu adresu.

Zdobom prosy TCM wo džěćace wozyčki, zymsku drastu a wosebje črije za čekancow, kotřiž buchu we Łužicy zaměstnjeni. Wotedać móža so dary w běrowje Čerwjeneho křiža w Biskopicach, Póckowska (Putzkauer Straße) 12 wot pónđzele hač do štwórtka wot 9 do 11.30 hodź. kaž tež wutoru wot 13 do 16 hodź. Dale hodži so pod telefonowym čisłom (0 35 94) 70 31 34 individuelnje termin wujednać, hdy móhli so dary nimo toho wotedać. Nadrobniše informacije k tomu je Katolski Posoł w swojim wudaću njedźelu, 25. oktobra, na stronje 298 wozjewił.

Jurij Špitank, předsyda TCM

Dopomnjenka na pasionsku hru

Njedawno wušła 120stronska dwurěčna kniha z mnohimi barbnymi fotami dopomina na přewšo wuspěšne předstajenje pasionskeje hry lětsa w septembru. Na předań je kniha za 15 eurow w Chróscicach na farje kaž tež pola časnikarja Jürgena Njeka. Jeničce pola njeho dóstanje kóždy sobuskutkowacy rabat na jednu knihu. Štóz sej knihu kupi, dóstanje k tomu DVD z filmom wo pasionje. Zdobom móža sej zajimcy knihu w redakciji Katolskeho Posoła w Budyšinje, w Bulankek pjekarni we Wotrowje, we wobchodze Marje Hrjehorjoweje w Róžeńće a w klóšterskim wobchodze w Pančicach-Kukowje kupić.

Koparski turněr wo pokal TCM

Towarstwo Cyrila a Metoda z.t. (TCM) zarjadowuje sobotu, 16. januara, w 14.00 hodź. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny kaž tež mustwa sportowych jednotkow. Kóžde mustwo měło z wosom hrajerjemi nastupić. Hrać budže so z třomi koparjemi a wrotarjom. Přizjewić měli so mustwa hač do njedzele, 10. januara, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Kubłanskej dnjej nětko we Worklecach

Přemało přizjewjenjow dla budžetnej kubłanskej dnjej pod hesłom „Štó je mój bliši?“ nětko pjatk a sobotu, 8. a 9. januara, w Don Boskowym domje we Worklecach, a nic kaž dotal planowane w Kopańcach. Přeprošujemy wutrobnje młodostnych wot 14 lět. Přizjewjenja přijimaja so hač do pónđzele, 28. decembra, w Dekanatnym dušepastyrstweje we Worklecach pod telefonowym čisłom 03 57 96 (9 55 95), z mailku na don.boskowy-dom@t-online.de abo přez facebookowu stronu dekanatneje młodžiny.

Wjeselimy so na Was!

Leńka a Lucija, młodžinskej referentce, a dekanatny kružk

Za Swětowe zetkanje młodžiny so přizjewić

Serbscy młodostni podadza so klětu zhromadnje na Swětowe zetkanje młodžiny do Krakowa. Tute wotměje so wot 20. do 31. julija. Přizjewić měli so k tomu najpozdžišo hač do 20. januara 2016 z formularom. Tute su w cyrkwjach wupožene. Samsny formular je pod www.posol.de wozjewjeny. Wšitke nadrobne informacije su na tutych flajerach tohorunja podate.

Silwester hudźbny nyšpor w Baćonju

„Do Božeje smilnosće so podač“ chcemy so na hudźbnym nyšporje štwórtk, 31. hodownika, w 19 hodź. w Baćońskej cyrkwi. Wo hudźbne wobrubjenje postara so chór přiwuznych młodych spěwarkow a spěwarjow wokoło Jadwigi Kaulfürstoweje. K parkowanju awtow přewostaji swójba Donatec swój twarski dwór.

Baćońska wosada Jězuseweje wutroby

Hodowny hudźbny nyšpor w Róžeńće

Chór Lipa wuhotuje njeđzelu, 27. hodownika, w 17 hodź. w Róžeńčanskej cyrkwi hodowny hudźbny nyšpor. Na nim zaklinča serbske hodowne spěwy kaž tež wurězki z liturgije op. 41 P. I. Čajkowskeho. Zběrka při durjach budže za hnadownu cyrkej. Wšitcy lubowarjo hodownych zynkow su wutrobnje přeprošeni.

Hodowny koncert w Chróšćicach

Tradicionalny hodowny koncert Chróšćanskeho cyrkwinskeho chóra z instrumentalistami a solistami wotměje so njeđzelu, 3. januara, w 14 hodź. w tamnišej wosadnej cyrkwi. Zaklinči mjez druhim „Magnificat“ wot Antonija Vivaldija. Wšitcy su wutrobnje do Chróšćic přeprošeni.

Hodownej koncertaj w Radworju

Swojej hodownej koncertaj wuhotuje chór Meja wutoru, 29. decembra, dwójce w Radworskim hosćencu „Meja“. Jako hosći su sej Mejenjo młodžinski chór Ralbičanskeje wosady přeprošili. W lětušim programje su hodowne spěwy runje tak zapřijate kaž zymske, wšelake „stare“ a tohorunja moderne pěsnje. Prěni koncert w swětle swěčkow budže w 16.00 hodź. Swaćina so wot 15.15 hodź. poskići. Dalši koncert wuhotuje so w 19 hodź. Přizamknu so reje. Wšitcy su wutrobnje do Radworja přeprošeni.

W zymskich prózdninach do Schmiedeberga

Dekanatne dušepastyrstwo přeprošuje šulerki a šulerjow 4. a 5. lětnika w druhim tyždenju zymskich prózdnin wot pónđzele do pjatka, 15. do 19. februara, na zhromadne dny do Winfriedoweho domu w Schmiedebergu. Zajimcy njech so prošu hač do wutory, 26. januara, pod telefonowym čisłom 03 57 96 (8 87 07) we Worklecach přizjewja. Tam dóstanu dalše informacije.